

GIUDICI PER LE CORTI

participa a ditte cavation, zoè che hanno case in quella contrada, et fanno pagar la ratta soa. Et si chiamavano prima zudesi dal men.

*Zudesi per le corte.*

Zudesi per le corte sono tre, da anni 25 in suso; stanno, *ut supra*; si fa per do man di eletion; et è officio poco reputado in questa terra, et pochi se ne trova che vogli intrar. Fo prima creato in tempo de Lorenzo Thièppolo, dose. Non ha luoco ordinario da sentar, ma vanno per palazzo, et *etiam* per i officij de Rialto; et quando qualche zudese è cazzado, o ver per parentela, o per esser debitor o creditor de le parte, o per qualche altra cason, o per suspetto, o per haver ditto la soa opinion, o vero vachasse l'officio tre zorni, in questi casi el zudese per le corte, zoè uno di questi, puol intrar in quel zudegado mancasse, et ha tanta autorità quanto li do altri zudesi ordenarij; et loro doi essendo di varie opinione, questo per le corte da qual banda il va vien fatta la sententia; et ha tanta utilità, come li zudesi proprij di quel officio. Et